



# education

Department:  
Education  
**REPUBLIC OF SOUTH AFRICA**

## NATIONAL SENIOR CERTIFICATE

**LIBANGA 12**

**SISWATI LULWIMI LWASEKHAYA (HL)**

**LIPHEPHA LEKUCALA (P1)**

**LWETI 2008**

**EMAMAKI: 70**

**SIKHATSI: 2 ema-awa**

**Leliphepha linemakhasi lali-10.**

**TICONDZISO**

1. Leliphepha lehlukaniswe tigaba letintsatfu:  
  
SIGABA A: SIVISISO  
SIGABA B: SIFINYETO  
SIGABA C: LUHLELO NELULWIMI
2. Phendvula yonkhe imibuto ngesiSwati.
3. Cala leso naleso sigaba ekhasini lelisha uphindze udvwebele ekugcineni kwaleso sigaba.
4. Shiya umugca emkhatsini wetimphendvulo takho.
5. Caphelisisa sipelingi/lupelomagama nendlela lewakha ngayo imisho.
6. Bhala ngebunono nangesandla lesifundzekako.

**SIGABA A: SIVISO****UMBUTO 1**

1.1 Fundza letheksthi lengentasi bese uphendvula imibuto lelandzelako.

Ngiyawewela lamaphoyisa ahulumende. Nanyalo basawubamble umkhankaso wekufunana naletiboshwa. Akulalwa. Kufunwa busuku nemini. Akusho phela kutsi kufunwa lapha eJozi kuphela, kepha nasetindzaweni letehlukene. Phela umonakalo lodalwa nguletiboshwa, awubikwa eJozi naseBhabutini kuphela. Singasho nje kutsi akulula kutsi hulumende alahle litsema ayekele lowo mkhankaso lawentako. Hulumende utakutfola kuphumula mhla umtsetfo ukhipha sigwebo kuphela.

Sengatsi sekwendlule tinyanga letimbalwa letiboshwa tibalekile. Bemsakato bona abalilahli litsema. Basolomane bampompoloza lonkhe lelasa ngengoti ngaletiboshwa. Sive naso sisancuswa kutsi sihlale sivule emehlo netindlebe ngalabantfu. Phela letiboshwa tigadla umuntu angakateleli. Pho, nakunjalo ummango ungawavula njani emehlo ngetehlakalo letimane tichamuke, tetfuse umuntu angakalindzeli?

'Ewu! Sekusile,' kusho sayitjeni Mohlala waseMankweng edvute nasePietersburg. 'Itolo silele ebusuku kabi ngalenzaba yalabafundzi balapha enyuesi. Angati nekutsi babhikisha nje bafunani ngobe umbuso uyabondla, abalali ngendlala, abesweli lutfo. Lokubi nje kwekutsi lokubhikisha bakucale ngesikhatsi lesibi, sikhatsi lapho sekusondzele kuhlolwa.' Usho loku nje Mohlala udvonsa ingubo uyatigubetela.

'Mine vele sengiyavuka.' Ngumake Mohlala-ke loyo. 'LiSontfo lamuhla. Kufanele ngilungisele bantfwana ngobe Sontfosikolo uyasheshisa kungena,' asho avuke make Mohlala. 'Asengibuke sikhatsi. Wo! Imizuzu isihlanu ishayile insimbi yesihlanu.'

'Wo! Ngakhohlwa tindzaba,' kusho Mohlala agucuka embhedeni, agucukela ngasetafuleni lelincane ecadzini nembhede wakhe, elule sandla, abambe umsakato lewuhlala lapho, awuvule. Atfole kutsi tindzaba tekucala tasekuseni tisengakapheli, sekufundwa tekugcina, nato leto tindzaba lettingaphasi kwaleso sihloko atifole setisemkhatsini.

'... kuleliviki leliphelile. Lesidvumbu sendvodza, kantsi kubekiswa sengatsi ineminyaka lengemashumi lasihlanu budzala. Kutsiwa lesidvumbu sitfolwe ehlatsini ngasedolobheni laseMesina, sigcoke timphahla tetiboshwa. Bemtsetfo bebacabanga kutsi loyo muntu ngulomunye waletiboshwa letabaleka ejele laseBhabutini.'

- 1.1.1 Chaza umphumela nenhoso yekutsi emaphoyisa ahulumende  
aphume umkhankaso. (1)

1.1.2 Umonakalo waletiboshwa bewungakanani. Bhala emaphuzu  
lamabili. (2)

1.1.3 Nguyiphi indlela lephephile lengasetjentiswa kubikela emaphoyisa  
ngetiboshwa letibaleke ejele? (1)

1.1.4 Chaza lenkhulumo letfolakala kuletheksthli lengenhla:  
'Bemsakato bona abalilahli litsemba' (1)

1.1.5 Umsakato ulusito lolungakanani emmangweni ngaphandle  
kwalamaphuzu labaliwe lapha etheksthini? (1)

1.1.6 Sayitjeni Mohlala abehlala kusiphi sifundza salapha eNingizimu  
Afrika? Usho ngani? (2)

1.1.7 Bhala ligama lelisetjentiswako nyalo lelisho tiboshwa. (1)

1.1.8 Bhala sikhatsi lavuka ngaso make Mohlala ngetinombolo. (1)

1.1.9 Kute emaphoyisa akwati kusebenta ngekukhululeka mitamo mini  
hulumende langayenta kute aphephe? (1)

1.1.10 Chaza lini lelingabanjwa ngummango kute kucedvwe bugebengu? (1)

1.1.11 Lendzaba yenteke ngasiphi sikhatsi semnyaka? (1)

1.1.12 Wena ucabanga kwekutsi ngabe bafundzi balapha enyuvesi  
bebagononywa yini leyabenta baze babbhikishe? Chaza imibono  
lemibili. (2)

- 1.2 Fundza lesibonwa semndeni wakaHlophe lapho akhuluma nawo khona ngalokukhulu kutfukutsela. Intfombi yakhe Tsembela isandza kubuya esikolweni njengobe eva unina, LaDlamini ambita ngalesikhulu sankhahlu.



- 1.2.1 Uma ufundza lesibonwa kubukeka ngatsi kunenkhulumo ledzingidvwako. Ngabe lenkhulomo Hlophe uyicondzise kubani? Sekela imphendvulo yakho. (2)
- 1.2.2 Tsembela ukhombisa inhloniphо kuyise. Bhala kubili lakhombisa ngako lenhlонiphо. (2)
- 1.2.3 Ngelisiko lesiSwati umfati akahlali esitulwini. Kulesibonwa ngabe LaDlamini uhleli etukwani? (1)
- 1.2.4 Phawula ngalombono wekukhetselwa kwebafati indzawo yekuhlala. (1)
- 1.2.5 Bhala emagama lamabili emvunulo yemdzabu lembetfwe ngulomndeni wakaHlophe. (2)

- 1.2.6 Ngekwakho kubona iphat selene nani lendzaba lekukhulunywa ngayo kulesibonwa? (1)
- 1.2.7 Uma ufundzisisa lesibonwa ngabe LaDlamini imphatsa njani lendzaba ledzingidvwa kulesibonwa lesingenhla? Usho ngani? (2)
- 1.2.8 Lusha lufundzani ngemasiko kulesibonwa. Bhala kube kunye. (1)
- 1.2.9 Simo selitulu besinjani uma kutsatfwa lesitfombe lesingenhla? Usho ngani? (2)
- 1.2.10 Yini leyenta Tsembela aye ebatalini bakhe asabona kutsi tintfo timmele kabi? (1)

**SAMBA SIGABA A:** **30**

**SIGABA B: SIFINYETO****UMBUTO 2**

Fundza letheksthi lengentasi bese uyifinyeta ngemagama lasemkhatsini wema-60 – 70.

Lamuhla lilanga letitsandzani. Lilanga lapho labatsandanako bentelana tintfo letimangalisako. Lotsandzekako wakho ummangalisa ngekumupha kumbe kumentela langakakulindzeli. Leli phela lilanga letimanga telutsandvo. Akucake lotsandzekako wakho akwentele intfo letakumangalisa. Umangale uze uyewungena eliben. Lunjalo phela lutsandvo lunetimanga. Lilanga lapho labatsandanako batsengelana khona tipho. Batfumelelana nemakhadi lanemlayeto wetelutsandvo. Netimpahala letigcokwa lamuhla kuba nguleto letibovu letihamba nembala lomhlophe.

Labanye njalo batfumelelana timbali. Akumangalisi nje labanye betfuka nje ngemuntfu labangamati asahloma sitfungo setimbali. Labanye njalo betfunyelelwa emakhadi bantfu labangabati. Phela kuyenteka kutsi umuntfu akutsandze kepha wena ungati kutsi uyakutsandza. Lamuhla-ke labo bantfu batfola litfuba lekutjela labo lababatsandzako kutsi babatsandza kangakanani kepha bona babe bangati. Ave kumnandzi kutsandvwa kanye nekutjelwa kutsi utsandvwa kangakanani! Akukhatsaleki kutsi utsandvwa ngumuntfu lomatiko kumbe longamati.

Kungako phela labo labavamise kutfumela lawo makhadi etitsandweni tabo labatitsandza ngasese tingati tona, abatisho emabito abo. Lotfumela lelikhadi akatisho kutsi ungubani. Kuba mnandzi nje kona loko kwati kutsi ndzawana tsite kukhona umuntfu lokutsandzako, ikakhulu nangabe kusete umuntfu lohlekisana naye. Phela kutsandza umuntfu akusiso sono. Ingani ngisho nalabatsandanako lamuhla batfola litfuba lekwentela titsandvwa tabo lokuhle labangakakulindzeli.

Kumnandzi phela utsi nje ungakateleli lutfo, ubone ngesitsandvwa sakho sesikwentela lokutsite. Labatatiko tintfo tesilumbi batsi *yisurprise*. Sisho phela kutsi singani sakho nome loyo lotsandzana naye akwentele nje intfo ungakayilindzeli. Yebo, akumangalise! Akwentele nje intfo lebewungayicabangi nje nakancane. Yebo lotsandzekako wakho akumangalise! Akwentele intfo lebewukadze ungakayilindzeli nje nakancane.

Yebo tetayele vele tingani kumangalisana ngemakhadi kumbe ngetipho kulelilanga lalamuhla. 'Yebo, kenje lamuhla lusuku lwetitsandzani. Uyati vele lomhlangano wente kahle kakhlulu kutsi ungasabi khona lamuhla. Angisalali lapha lamuhla, sengiyewulala ekhaya eNgodini' Kusho Zamantungwa Khumalo ngesikhatsi sebaphuma emhlanganweni lebekufute kutsi ubanjelwe lapha ehhotela laseJozi lelatiwa ngekutsi yiJo'burg Sun. Lomhlangano phela bewubitwe litiko LeteMphilo kutsi bonesi nabodokodela batewuylanganisa tinhloko nganasi sifo lesicedze bantfu.

**SIGABA C: LUHLELO NELULWIMI****UMBUTO 3**

Fundzisisa letheksthi lelandzelako bese wenta lomsebenti lotawulandzela.

'Babe,' kusho LaMnisi ayemukela asukuma acondza ewodrobhini yabo. Watsi nakayivula weva kudvuma litulu. Babona kuvela umgcala emnyango. Basamangaliswe ngulomsindvo, kwavela emadvodza lamabili ahlome ngemavolovolo. Lamadvodza bekakadze atimbonye buso.

'Nyandza leyo! Nyandza leyo!' LaMnisi azama kumemeta. Avele ambamba umlomo, abakhomba ngevolovolo, abafuna imali. Abalalisa phasi bobabili. Wazama kuvuka Matsebula atenta umuntfu lonesibindzi njengelibhubesi.

'Wena babe ungacali nje unyakate! Nx! Ngitsite unganyakati! Buka phasi ungangibuki!' Kusho lomunye wabosidlani akhombisa lunya lolwesabekako. Ngalesikhatsi abemsesha kutsi uhlome ngani. Vele-ke kwasitfola sibhamu saMatsebula kwasitsatsa kanye namakhalekhukhwini. Bayitsatsa njalo imali bosidlani, pho netinyawo tabo betibemele egedeni, badla phasi.

Wabuva buhlungu Matsebula ikakhulukati ngoba ngalesento bekusho kwesukela inkhomo lengahlabi lenye. Pho, naye Matsebula abetidlele ngalobo busuku.

- 3.1 Tsatsa luvelomagama lolukuletheksthi ulusebentise emshweni lotakhele wona kute kuvele kutsi inchazelo yaso. (1)
- 3.2 Nika inchazelo yalesisho lesidvwetjelwe lesitsetfwe kuletheksthi lesingenhla: 'Bayitsatsa njalo imali, badla phasi.' (1)
- 3.3 Livi lingayintjintja inshokutsi yeligama. Fakazela loku ngekwakha umusho ngaleligama lelidvwetjelwe kulomusho lolandzelako, kuveta lelenye inshokutsi.  
'Wazama kuvuka Matsebula atenta umuntfu lonesibindzi.' (1)
- 3.4 Kuletheksthi lengenhla kunemisho lenaletinongo tenkhulumo letilandzelako, tikhokhe utibhale phasi bese udvwebela letinongo.
  - 3.4.1 Inhloniphо (1)
  - 3.4.2 Sifaniso (1)
- 3.5 Akha umusho ngalesaga lesilandzelako kute kuvele kutsi inchazelo yaso uyayati:  
'Inkhomo lengahlabi lenye.' (1)
- 3.6 Nguliphi libintana lemagenta lelingema esikhundleni saleligama lelidvwetjelwe kulomusho lolandzelako.  
'Babona kuvela umgcala emnyango.' (1)

- 3.7 Phindza ubhale lomusho esikhundleni seligama lelidvwetjelwe ufake mcondvophika walo:  
'Kusho lomunye wabosidlani akhombisa lunya lolwesabekako.' (1)
- 3.8 Sebentisa noma nguliphi ligama lethekhiniki lelikuletheksthi lengenhla emshweni lotakhele wona. (1)
- 3.9 Kuletheksthi lengenhla kunemusho loneligama lelisha lelibunjiwe EsiSwatini, wukhokhe uwubhale phasi. (1)
- 3.10 Kuletheksthi lengenhla kuneligama lelitsi 'inkhomo'. Sebentisa leligama emishweni lemibili livete lemicondvo lelandzelako:
- 3.10.1 Umcondvo losebaleni (1)
  - 3.10.2 Umcondvo lobhacile (1)
- [12]

#### **UMBUTO 4**

Fundzisisa letheksthi lelandzelako bese wenta lomsebenti lotawulandzela.

Bantfu balapha eNingizimu Afrika batakhela bona tinkhundla tetemidlalo yanga-2010. Leti kutawuba tinkhundla letinkhulu letitawumumatsa tibukeli letinyenti. Umuntfu uyati lapho takhiwa khona letinkhundla ngoba sekukhulunywe ngato sikhatsi lesidze.

'Bantfu bakitsi tiphatseni kahle nga-2010.' Kwasho umphatsi wesifundza saKZN. Badlali nababona bagijima bakhahlela ibhola kusuke tintfuli. Kubi madvodza!

Ibhola itsandzwa ngumhlaba wonkhe. Baceceshi balapha eNingizimu Afrika kufanele bafundzisise imitsetfo ye-FIFA nasifuna kuphumelela nga-2010. Dlalani kahle ma-Afrika nimele live lenu. Baphakeleni ngelwati lwetemidlalo bantfu bakini!

Tindzawo letinengi lapha eNingizimu Afrika setinemifanekiso lebhalwe ngisho nasemabhodini lets 'WOTA 2010! WOTA USITE ONKHE EMA-AFRIKA!!!'

- 4.1 Kuletheksthi lengenhla kuneligama lelipelwe kabi. Lilungise bese ulisebentisaemshweni bese uyalidvwebela. (1)
- 4.2 Bhala lomusho loyinkhulumongco ube yinkhulumombiko. Wucale lomusho ngekutsi: Umphatsi wesifundza saseKZN watsi ...  
'Bantfu bakitsi nitiphatse kahle nga-2010.' (2)
- 4.3 Sebentisa libito 'umuntfu' emshweni lotakhele wona losesikhatsini lesitako libe ngumentiwansombo. (2)

- 4.4 Caphuna letindlela tesento letilandzelako kuletheksthi:
- 4.4.1 Indlela yesimo. (1)
  - 4.4.2 Indlela lephocako. (1)
- 4.5 Shano kutsi ngukuphi kwaloku lokulandzelako lokuyi-akhronimi bese unika nesizatfu semphendvulo yakho.
- 4.5.1 FIFA
  - 4.5.2 KZN (2)
- 4.6 Khokha letinhlobo tetento letilandzelako kuletheksthi bese lolo nalolo iuhlobo ulusebentisa emshweni lotakhele wona. Dvwebela sento losisebentisile.
- 4.6.1 Kwentisia. (2)
  - 4.6.2 Kwentela. (2)
- 4.7 Yini umsebenti walesakhi lesisicalo lesidvwetjelwe kulomusho lolandzelako? Umuntfu uyati lapho takhiwa khona. (1)
- 4.8 Kunemusho lomagalagala kuletheksthi lengenhla. Tsatsa incenye yawo lengumusho lokhontile, losho sizatfu, wakhe ngayo umusho bese uyayidvwebela. (1)
- 4.9 Libito 'ibhola' lingumfakela. Shano loko lokwentiwe kulo kuze lemukeleke EsiSwatini. (2)
- 4.10 Nawucabanga wena yini lebangela umbhali waletheksthi lengenhla asebentise lamanye emagama abe netinhlavu letinkhulu kunalamanye? (1)  
**[18]**
- SAMBA SIGABA C:** **30**
- SAMBA:** **70**